



VOL. XV. NO. 15.

Published Monthly, at St. Michaels, Fort Totten, P. O., N. Dakota.
ENTERED AS SECOND CLASS MATTER AT THE POST-OFFICE AT FORT TOTTEN, N. DAK.

SINASAPA WOCEKIYE TAEYANPAHA.

REV. JEROME HUNT, O. S. B.

PUBLISHER and PROPRIETOR.

FOR FORTY. NORTH DAKOTA.

MAY 15, 1911.

KANGI PAHA

St. Jerome's Church en Omnicieye Tanka kte cin decen iyopte kte. July 12 hetanhan toka omnicieye iyopte kte. hecen tona maka amaniyan au kte cin he itahena hihunni wacinpi kte qa tona remani okna au kte cin he na July 11, kinhan Oberon North Dakota en hinajin kte. anpetu kin he en Oberon en wicokpe ai kte, hehan July 12 kin hetanhan wanna omnicieye iyopte kte. hecen hinhan eciyatanhan toka heya nape kiciyuzapi kte, nakun wicayawapi kte. Hehan wiyotanhan sanpa kinhan hetanhan wanna omnicieye kte qa tokaheya North Dakota itimahen okašpe tona unpi hecinhan hena tona wamnaye kduha hipi kinhan wawa hena kdaotaninpi kte qa hena owasin yuwitayapi kte, hehan Mazaska Awanyaka Wanjina kin taninna koya tona yuha hecinhan iye ikdatanin kte. July 13, hinhan eciyatanhan koška qa wikoška tona wayawa tipi en icagapi kin hena "token ihduhapi kte iyececa he?" Thomas Hintonkanaska he cajeyate kte, Paha-yamni etanhan kin he; nakun John Strait he cajeyate kte, Kangipaha etanhan kin he. Hehan wiyotanhan sanpa kinhan St. Joseph na St. Mary's opapi kin token ikduhapi kte iyececa he? Moses Cugin he cajeyate kte, Sisseton etanhan nakun Paul Tasunkeoranko, Cannon Ball etanhan cajeyate kte. Hehan "Wakankiciyuzapi yujujupi kin he wowitan heca qaiš wowisteca heca he?" Akicitanajin, Inyanbosdata etanhan kin he, nakun Zitkanakoyake, St. Michael's etanhan kin he cajeyate kte. Hehan July 14 hinhan eciyatanhan North Dakota en Sinasapa Wocekiye kin taku e he iyuhunke šni aye he? Thomas Matoska he cajeyate kte, Fort Yates etanhan, nakun Bernard Two Hearts, Kangipaha etanhan kin. Hehan "token econpi kinhan Sinasapa Wocekiye kin sanpa icage kta he?" Claude Kleškakte, Cannon Ball etanhan kin, nakun Narcis Demarias, Sisseton etanhan kin he cajeyatapi kte. Hehan wiyotanhan sanpa kinhan "Sinasapa wicaša wakan token owicakiyapi kte iyececa he?" Ignatius Court, St. Michael's etahan, nakun Frank Gates, Fort Yates etahan kin he cajeyatapi kte. Hehan "Sinasapa Wocekiye Taeyanpa-

ha kin token econpi kinhan wa-

šake kta he?" Joseph Tawacin-homni, Kangipaha etanhan, nakun Joseph Matohi, St. Michael's etanhan kin he cajeyatapi kte. Hehan July 15, hinhan eciyatanhan winyan omnicieye kte; wiyotanhan sanpa kinhan Miniwakan Yatkešni omnicieye kte.

July 16, anpetu kin he anpetu wakan wacekiyapi kte. July 17, anpetu wakan ihinbana kin he wiyotanhan šni itokam trustee hena piwicayapi kte, wiyotanhan sanpa kinhan tuwe omnicieye tanka kico kta hecinhan ikpazo kte. Dena woiwanke untagapi, tuka Bishop unkitawapi iye taku wanjikji en ayutokca kta ehan-tanš hecetu.

Hehan Feb. 15, 1911 en Eyanpaha en Henry Asher wayuotanin qa Thomas F. White Mouse cinhintku Herbert Wiyakaska, Poplar Agenc Mon. etanhan kin Kangipaha en omnicieye tanka kte cin hen \$5.00 owicakiya ce eye cigon. he mazaska kin token econpi hecinhan naunronpi uncinpi, takuna unkićupi šni heon hepe.

Omnicieye tanka on wamnaunyanpi kin \$507.12 denakeca taninyan yanke; qa nakun onge nahanrcin unkićuwitayapi šni. Hecen tuwe taku wanji imawange cin kinhan wowapi maqu kte.

St. Joseph q St. Mary's owas cante on nape ciyuzapi.

LUKE BIGTRACK.

Wowapi kaga.

PINE RIDGE, S. D.

April 29, 1911.

Omnicieye Tanka Womnaye.

H. B. M. Omnicieye.

Mrs. Crow Dog \$ 6.75

Janjan Blaska Omnicieye.

J. Nata Witko 9 45

Mini Wanice Omnicieye.

Ivan Star 11 00

Geo. No Water 5 00

Cheyenne River Omnicieye.

Silas Fills The Pipe 30 25

St. Peter's Omnicieye.

Chas. Foolhead 1 30

Alice Catcher 25

Grass Creek Omnicieye.

Jennie Kills Enemy 2 75

Makula 25

St. Paul's Omnicieye.

Jim Grass 1 75

Eagle T. Feather 50

St. Agnes Omnicieye.

Living Bear 1 00

Mrs. Millie Eagle Elk 2 35

Henry Weasel 5 00

M. Kicking Bear na

L. Lone Elk 50

N Black Elk 8 10

Annie Plenty Wolf 1 00

Mrs. Red Elk 1 00

Mr. Garcia 25

Medicine Root Cr.

H. Bull Bear 3 00

M. Brokenleg 5 05

Mrs. L. Shangreau 6 78
Dora Garnette 1 82
H. Spotted Eagle na
Wm. Maka manel Mani 50
Mrs H. Spotted Eagle 65
Left Hand 75
Peter Bald Eagle Bear 50

Lip's Camp.

Mary Whistler 3 00

Victoria Owin 7 55

Bear Creek.

Chas. Ranall 75

Wm. Randall 1 25

Thomas Fast Wolf 23 73

Julia Pleny Bear 2 81

Wanna ataya \$273.17

Tona womnaye kagapi na tona Omnicieye Tanka okiyapi lila pilaunyanpi.

Cantewasteya nape ciyuzapelo.

F. Henry, S. J.

WAKPALA, S. D.

Flying by Camp

Eyanpaha.

Hekta omaka 1905 hetan Flying-by-camp el tipi wakan cinpi na nahanrci lehan štanpi. He tipi wakan on Bishop el mazaska eknakapi he nayaranpi kta. Tokaheya Bull Head el omnicieye tanka el Joseph Lone Man Bishop qu kin \$38.16; Rosebud Agency el omnicieye el Flying-by Bishop qu kin 202.25; Cheyenne Agency el omnicieye tanka el ins Charles Half Bishop qu kin \$63.10. Ho hece wanna sunkawicayapi kin tipiwakan cinpi on mazaska Bishop el eknakapi kin ataya lenakeca, \$363.51. na ake qupi kte cin \$136.49; na taninyan yuhapi hecel oićiyapi kin wanna ataya \$500.00. Ho sunkawicayapi kin wanna tipiwakan cinpi kin opawinge zaptan un oićiyapi. Ho le St. Bede's church etan wiyorpeyataka 8 miles hel tiyošpaye kin wanji Kinyanhiyaye oyanke eya cajeyatapi kin hetu. Na le oyanke kin el okolakiciye owe num unpi tka nahanrci tipi wakanra wanjini klepi šni, heon hel šinasapa tipi wakan wan he cinhan hekta Maurus Tatanka-onjinca Eyanpaha el woyake cun hecel unkićipapi kta unkiyukeanpi. Na sunkawicayapi kin tohanl mniciyapi can unman okolakiciye kin el hipi na owicapeya unpi iyokipipi kin he unkablezapi. Ho ito, leun wowaklak kin kta ce tanyan ablezapo. Wanna homakšila qunhan ina wanna wohan yušan na ciye tokaheya šna woqu. Na hehanl womaqu qeš ciye woqupi kin iyokpaniyan ina womaqu kes awakta šni na icu wacin šni, na inihan šni awakta šni canna hehanl ate icu maši keš hehanleš ceya nawakwaka canna ate makasaksakin kta keya keš inihanšni miye wecun kte rein, canna hankeya ina unšimakilaka, hankeya iyecel womaqu canna hetan cantewasteya wawatelo. Na wanna cante mawaste kin ate slolya canke hetan wa-

maši canna canl wasteya wowaši ecamun. Ho mitakuyepi, homakšila kin el amicablezapiyeto. Flying-by-camp el tipi wakan kuwapi kin le iyecel el nawajin. Canke tokel Wakpala St. Joseph okolakiciye kin unšunlapi ni ecanmi. Hehanl wacekiye wicoran kin le oyate el sam waša kin kta Bishop cin he un committee qeya ošpaye ecekce unpi kta keyelo. Ito Washington, D. C. etkiya waaiyapi un committeepo, eye šni yelo. Na ikluwicakapi un committeepo, eye šni. Ho eya committee yaunpi kin he oyate el wocekiye kin wašakya iyoptin kta un Bishop wowaši econ nišipi.

Hehanl taku abrupta wacin kin he ikluwicaka eyapi kin he le okna abruptin ktelo. St. Matt. wicowoyake 5 kin el wicoiye qeya lececa yankelo. Tona cante el ecepila kin hena wicayawastepe; tona cante manel unšicilapi kin hena wicayawastepe. Ho wocekiye kin wicaunlapi šan tokaca oyate wicito kab unkićluwicakapi keunkeyapi huwo? Wocekiye wicaunlapi keuncinpi qun tuwe lel opa kta canna he nakeš wicala yuna sece, ecanmi. Nakun St. Matt. 7 kin el lecel eya: "Tohan ceyakiyin kte cin tipi ciqala nitawa kin el cekiya yo." Eyapi wan naunronpi qun taku un unkićluwicakapi huwo? Tuwa wocekiye opa kin iye iyatayela cante na oranye cin hena un narmala awaićin un kta he Wakantanka toawanklake heca.

Hekta April 8 el sunkawicayapi kin he Father Bernard omnicieye kin naharci suta šni tka ko-han woitanan qeya iyowinkiya lena epi.

Geo. Kinyanhiyaye itancan. Thos W. Horse mazaska awan. John Wakpamni wowapi kaga.

Mrs. Josephine Half itancan. Mrs Jno Wakpamni wowapi kaga Mrs Flying-by, mazaska awan. Louisa Badhorse warpaye awan. Tohanl omnicieye can wocekiye econ kta. Ignatius White Cloud. Nitakola taku cinpi kin le wicayeksuyapi uncinpi. Nape ciyuzapi.

IGN. WHITE CLOUD.

OAK CREEK, S. D.

April 18, 1911.

March 11, el hokšila waste rca te; waniyetu 7. Igmunonjinca na Sitomniwaste cincapi.

March 12, John Wakpamni cinca hokšila te.

April 8, Tateomani na Tašunketopawin cunwintkupi te.

April 17, Worpa na Wakiwini cunwintkupi te.

Ito wakanheja ciqapila hena wanna wicatonpi canna wicoran wocekiye kin lila el sutayanaunjinpi unkwacinpi kte. Hececa kin tuwe cinca terila kecin hena wanwicaklaka okihi kte, na ecela canteunšicapi qeyaš takuni unkićhipi kte šni, iyotan tuwe cinca ta can St. Joseph okolakiciye ye šni, nakun anpetu wakan wocekiye el ye šni, heon hepelo.

Nape ciyuzapi.

LOUIS CROSS.

KYLE, S. D.

St. Henry's Church,
April 3, 1911.

Eyanpaha.

Anpetu le taku wanjikji epa wacin. Ho mitakuyepi tecirilapi ciyuonihanpi, wicoran wo-econ luhapi on nicakijapi hena slolwaye na on taku ota epin kte šni, tka ota ena wowapi mayaqu-pi hena July 14, 15, 16, 1911 hena el omniciey tanka econpi kta Pine Ridge Agency, Holy Rosary Mission School etu kta na he-on mazaska mnyanpi tanyan econpi na tatanka 19, šunkakan 2, na taku itokelkeca nakun yuke. Heon kiksuyapo. Blokehan Standing Rock North Dak. el congress econpi qonnan detan tokatakiya congress wanjila kta ehapi na neon najinpi, unkan iecena nonpakija on kta yustanpi tka nenan Protestants ota tima onpi on owotanla šni keyapi; na South Dakota eciyatan congress econpi kin el akiyapi kta epi na iyopieya, Pine Ridge ecunhan eyapi. Ho lena kiksuya po committee owicoran ne nakun. Ho taku on congress wanjila kta cinpi kin ne Rev. William H. Ketcham, Washington, D. C. el yanke cin he necel econpi iyecceca wana makoce yuksasapi, oyauke iyo-hi wicasa oyasin maka yunapi hena awankiakapi kta. Tunkan-šna oti etan Lakota makoce yuhapi kin el škiniey wicasa icunhan wocekiye on oyate tanktan-ka iklak omanipi, le on el woaiye wokuše woanapta icagin kta keye, na he takte okna waste na ei takeyapi iyeccece šni wanokna econ pica wasicun omniciey iye-cel, hecel karnigapi eceia yapi he oyate towasake yuna yapi kta ca necel wicasa oomani wan-jikji asnikija tyata owanji wo-wasi ecanicon oamipi kta eya.

Ho le taku kin North Dakota eciyatan yaonpi tanyan iklukcan-pi waste "Delegates" eceia omni-ciey yunapi kte cin he waste, mazasaa ota yusotapi kte šni; nakun wonagiyeye conala kte na oyauke wan tukte el econpi qon heceia abayapi esa waste otas eyasaa el napi šni. Ho le tuwe ei taku amaduptapi kta necin enapi min piamayayapi kta.

Iyamni epin kte cin le e.

Takuwe ca St. Joseph okola-kiciey onqonpi kin wicoran un-kitawapi oamayan onyaupi šni škinieyapo, na taku tona woce-kiye etan onspeunkiyapi nena tokaca econunkapinpi ne? Aece-la wicoran wanji sutaya onkon-spepi ne witantapi gunga onqon-pi na wowahokonki e naron wa-cin šni enanni iyuna sloionyanpi kecin rcin waranranicilaye rcin onqonpi. Wicasa wowanokonkiye eyapi hena unkinapapi canna i el ye onyanpi kte rcin hena waste šni na wicasa oran iwanwicunya-kapi oncinpi, unkiye unwaštepi se on keyapi, yunkan wanjikji

hehapi canna cante mahel onšicilapi. Le kiksuyapo, anpetu wan el wiota rcin winyan wan yuhapi na Itancan kin e el ahipi na on wiyungapi. "Itancan win-yan le woartani econhan iyeyapi na Moses toope el tuwe necon kin he inyan on kininpi kta eyapi kta. Ito niš tokel ehe kta ne?" Unkan Itancan kin ayuptin na heya. "Hopo, niyepi tukte wanji woartani cola yaonpi hecin, he tokeya inyan on kinin kta." eya. Na patuš inajin maka ekta owa he econnan oyate kin wanjigjila kinapapi ecel winyan kin išnala okaptapi, onkan itancan kin inajin na neya: "Winyan wiyanon-papi qon nena tokiyapi ne? oki-yake necel inšeya Itancan kin mišeya ciyasu kte šni; icinonpa woartani econ šni šni na klesi.

Nakun wanji naronpi ne le e wowapi wakan el nisunka ista kin el watutka wan yanka e wanlaka na yureyam iyecicu ya-cin tka icunnan ni ite kin klakin-yan cankaga wan niyanka ne wanyeklake šni he? Hecel cau-kaga wan niite el yanke cin ne tokeya yureyam ikinu wo, he-ce nehanl nisunka ista el watu-tka wan yanke cin he yureyam iyacu oyakihi kta. Eyapi wan onkiyawapi ca ohinni weksuya sa, le wicoiye epe cin maciquala nenan Rev. John Jutz, S. J. omakiyake na kiksuye maši. un-kan lehanl oyate kin hecercin naonjinpi, na on wicoran iyayin kte oyasin iyanice na tanyercin katinyan iyayin kte qon iyuna aecetu šni na koška wanjikji tan-yan wocekiye opapi kta keš ram-wicayapi iyecel na nunke šni wi-cayapi on wicotawacin yaupi kte cin owasin waryank najinpi; ne-ceca esa nitakuyepi aoklute ni-yanpi esa iyowiniciyapi šni yo wakuwa eyaye wacino, taku si-ce cin hena e eca hecunyanpi, eya tokša wažu elalapi kin kiye-la ocicinapi kte wicasa okicize el a can tokel cante yuze cin oklag iyeyakpana on keš wanna kicizapi can tokahe iyaye kiya tuwe tokca wan inila onkiš ena el yunke yapi sae lo. Ho nece rcin waniyetu opta no taninyan onqonpi keš 4th July wan el on-kihi can wicasa untakupi keya onqonpi qon iyecetu šni yelo; na nenala can ake itokab toonkeca-pi qon iyeoncecapi. Ho nitaku-yepi, oyasin ciksuyapi icunhan el wošikiškeya onannan onqonpi. Iho taku tona on wasakya on-yanpi kta, wicasa wakaonspe on-kiyapi nena cante warwayela on-kiyapi kte okna onqonpi cin na lasula yazanyan wanokoLonki-yapi wicunkiciksuyapi waste yot-tan tona šinasapa owayawa el yaonpi qon nena taku tona on-speniciciyapi necin. nihun, niya-te, nitakuyepi onspewicayakika-yapiye. Hecel wicoran tona eca-nonpi kin hena on woyawašte wan tokata oyate wicitikam ni-

yawaštepi kte tka, nihun, niyate wicitikab miniwakan yatkanpi šni yo, nihunkakepi caje wica-yaklušicapi kin he waste šniyelo. Oyasin cantewašteya nape ci-yuzapi.

JOE HORN CLOUD,
Pres. of Congress.

ALLEN, S. D. April 4, 1911.
Eyanpaha.

Tokata July 14, 15, na 16 anpetu kin lena el Omniciey Tanka kte, Holy Rosary Mission Pine Ridge, S. D. el St. Joseph's na St. Mary's oyasin nicopi. An-petu kin lena yamni el Itancan onkitawapi tantanhan witaya on-kiyuškinpi kta heon.

Oyasin nape ciyuzapi.

Louis Mousseau, Omniciey Tanka wowapi kaga.

Joe Horn Cloud Omniciey Tan-ka el itancan kta. Lena yaotan-in mašipi.

LOUIS MOUSSEAU.

Hardingrove, S. D. Apr. 1, '11.
Eyanpaha.

Hekta March 15, el Chas Takes-the-horse tawicu kin onknahela wayazan hinkle na wancak te. Irtayetu el ake wi-cincala wan te. March 18 etu.

Wocekiye on wicayeksuyapi wacin. Oiyokišice kin wanblaka yunkan Wakantanka oiye wanji weksuye. "Waktaya onpo, to-hanl iyehantu kin sloiyayapi šni." eye qon he kiksuya inawaji. Owasin nape ciyuzape.

NELLIE PATTERSON.

CUT MEAT, S. D.
March 1911.
Eyanpaha Kola.

Wososo Oinkpa el St. Joseph na St. Mary omniciey onqonpi kin hena tohinni on-onyaronpi šni heon maka akanl otuyacin onqonpi tuwerci hecin naceca, tka onkiš eya Wanikiya tokiconze kin el wowašte on oi-klatan kte rcin onškanpi.

Tipi wakan wan lila waste on-yuhapi 20—70 ft. hankeya omni-ciey tipi 20—20 ft. Hekta oko-lakiciey škanpi eyaš tehan rcin Wakantanka etanhan takuni wo-okiye yuhapi šni selececa. He-ceca esa inihan šni Wanikiya ta-ku waste ecaonkiconbi oncinpi na ecel tipi wakan waste wan onyu-hapi na lila icante onwaštepi. Sept. 29, 1910 hetanhan otokahe-ya canblaska tounksapi na Nov. 10, '10 el tipi wakan kin he ataya tanyan yustanpi, na hecena wan-cak Christmas el wicoran onyu-hapi na econhan kola onyanpi wanji, Manderson, S. D. etanhan Nick Black Elk he kici wicoran tanka onyuhapi kin tokel wico-ran yuke cin ataya on oyate oya-sin Wakantanka tokiconze kin opapi kte cin wicakiey na anpetu kin lehanyan oknayan wicoran onkuwapi. Christmas el \$51.35

yuba onškanpi. Dec. 25, rtayeru el rante eklepi otokaheya Nick Black Elk wocekiye econ. oha-kab koškalaka top na winyan ya-mni wowahokonkiye eyapi. He-na inš eya wicoran on wokla api na ihunnikiyapi na wošipi kola Nick Black Elk \$36.00. wookiye qupi. St. Francis Mission oka-spe etanhan \$10. qupi. na Red Leaf etanhan \$1.75 qupi na White Horse Camp etanhan 35c. qupi, na Win. Bridgeman tawicu kici 50c. qupi, Ella Bridgeman 50c. qu; ataya \$39.10 on okiyapi. Lena wowitan on šni tka Wa-kantanka etanhan wowaštelake wookiye ahinrpaye hecel tona wacinyayapi kin wacintanka po, kin nahan wookiye Wakantanka etanhan iyacupi kta.

Owasin cantewašteya nape ci-yuzapi. Nitakolapi wanji

CHARLES KILLS-IN-SIGHT.

Cherry Creek, S. D.

March 1911.

Eyanpaha.

Waniyetu zaptan wa-cekiye wisaša waon na Canpa Wakpa oyate kin el Wakantanka oiye oweciyake, na tona awacin-pi hena Wakantanka slolwicaye na tona awacinpi šni hena Jesus slolwicaye. Tona wicalapi kin hena tanyan Itancan tawocekiye kin eyapi, tohanl wacekiye hipi canna ho tankaya lowanpi heon oiyokipi.

St. Joseph's wanji Wakpala cinca wan, waniyetu 21, koška waste heca, ta.

March 15, el Šunkinajica tawicu ta, waniyetu 56. Ake March 17 qel cunwintku wan te; hecel wicaša kin woterike tanka akipa.

Icin wiconi na wiconte kin nunpin Wakantanka yus yanke. he-cel nunpin yuba maka akanl yu-ha onqonpi; wowasi econqonpi waste kta wiconi kin Wakantan-ka tawa ca wowasi onqonpi tka anpetu otioyohi ituya yuba on-qonpi, he hecetu šni. Anpetu tona onqupi iyuha Wakantanka onkaklisotapi w ste.

Nape ciyuzapi.

HENRY ŠIYOINYANKE.

HOLY ROSARY MISSION,
Pine Ridge, S. D.
March 21, 1911.

Mazatipi el St. Joseph okola-kiciey oitancanpi kin.

Jacob Killer itancan.

Adam Tobacca okihe.

John Cross dog mazaska awan. Jos Red-sack wowapi kaga.

Philip Romers iapi awanyaka. Dan Shaving bear. Frank Jarvis,

Jacob Ribbs, Geo. M. Bore, okliklepi.

Philip A. Bear wayazan awan. John W. Wolf wacekiya.

White Calf tiyopa awanyaka.

Ho eyaš lila hunkapi šni heon wocekiye nitawapi el wicayeksu-yapi ni ecanmi.

JOSEPH R. SACK.

Rosebud Agency,
WHITE THUNDER CREEK,
S. D. March 1911.
Mitakolapi.

St. Joseph okolakiciye onqonpi kin onconapila qeyas lila woonspe onkolepi na wanna waniyetu wikcemna sam iyeya Wakantanka wowasi ecakiconpi yunkan lehanl wanna omniciye tipi waste ohanskeya ecel siiyutapi 34, na klakinyan ecel siiyutapi 16 hinskoceca yuhapi: ataya canblaska tipi heca. Nakun owacekiye wan waste yuhapi kta ca canblaska kin wanna honr el yanke tka nahanrci pawoslaliyeyapi sñi qeyas ecani wanna kagapi kta. ohanskeya ecel siiyutapi 40, na klakinyan ecel siiyutapi 20 hinskoceca kta. Ho hecel omniciye kin le onunsilapi esas takomni wacin iwošake sñi Wakantanka ohinniyan kiksuya wowasi econqonpi. Icin Jesus hecel eya: "Tona onšikapi kin hena wicayawastepi, hena marpiya wokiconze kin he tawapi kta ce," eye cun he iyecel wowa- si econpi, hukuciyelapi esas he el ewacin sñi katinneya wocekiye el škanpi. Yunkan lehanl wana ite kazamnpi iyecel iyepi sñi se tipi wasteste okna wocekiye econpi. Mitakolapi, eya maka etanhan unkiagapi tka ito hekta- kiya maka el ecelarci awacin un- qonpi kte sñi yelo. Wicaša ota maka wicoran ecela okna onpi na hena lila šicaya econpi tka slolkiyapi sñi; wicaša hececapi kin hena tohanl omniciye wanji el ipi can ikcaptapi sa na hehanl woiyaksape wicagupi can lila šiklapi ece; ho qeyas wicaša wan waš klakla kecin he cante mahel Wakantanka towotanla kin icar- yin kta okihi sñi. Hecel on ito mitakolapi, takuni šikla sñi wo- bliheiciye ecela unyuhapi kta wa- cin yelo. Hececa kin unnagipi kin taku cin unkiyapi heci okihi unyanpi kte. Mitakolapi, hecel wowacin bluha na heon napece sñi ociciyakapi. Wicotawacin un- kitawapi kin he suta unkiagapi kin he tiyopa iyorloke kin iye- ceca na hetanhan woonspe iyeye pica. Mitakolapi, wicotawacin hunke sñi yuha waonspeiciye pica sñi ce awacin po, eya waon- spe wasteste ota tka. Tokaheya wacintankapi onspeiciyapi can hecel ecela taku onspepi cinpi qon hunr iyokipi ece. Mitako- lapi, inše takuni rei ota epin kte sñi tka taku wanjila epa wacin. Yunkan tohantan kin wanna lila tehan Eyanpaha iwacusa kin el taka wanji liklila wanyag wacin rei sña cancan se sña wanyag able keš takuni el owapi sñi can rpan se mahinkle, inše mitakola- pi, wanna tona St. Joseph na St. Mary ikluwicakapi heci he wake na inš wanna tukte oyanke wan el heca omniciye wanjila eša ica- gapi heci ito epcerca keša takuni blawa sñi ece, wan leciya šicangu kin eleca ikluwicaka ope un ya-

kiyapi seca wan. Mitakuye wa- štestepi kin wanna kiktapo; an- paye na oyasin wanna iyuškin- yan woičiconze nitawapi kin klu- wicakapo. Nitakolapi wanji iyo- tan onšike cun he miye, St. Jo- seph ikluwicaka tunkansilaya iyokihe qon he.

GEORGE ZITKALAMAZA.

HARDINGROVE, S. D.

March 1911.

Lecala St. Leo el Sunday Schol unyuhapi, Matr. 1. 3. etanhan. Ikluecetu po, ma- rpiya wokiconze kin wanna ki- yela ce." Marpiya tokiconze eyapi kin he taku kapi ne? Leo Little Crow cajeyate tka slolye sñi keya. Unkan lecel wicaunia- pi. Marpiya wokiconze eyapi kin he ito lehantu kinhan tonkansila- yapi maka el itancan onyanpi na he tokiconze kin hece maka owancaya wašicu oyate na Dako- ta na inš oyate tona tonkansila wicaye kin hena oyasin tonkan- sila tokiconze he onkopapi na he lehantu kin tonkansila tokiconze unkeyapi na akeš lehantu kinhan Itancan iyotan waste marpiya kin-ekta unyuhapi na maka, ma- rpiya ekta iyakleya Wakantanka tokiconze he eceela lehanl wašic- u na taku oyate keša tona Wa- kantanka wicalapi hena hece Wakantanka tokiconze he opapi. Ho eciyatan marpiya wokiconze he slolunyanyi; unkan lecel ma- rpiya wokiconze he icaga ecan- mi. Tokarci wanna komaska qe- han hece takuni slolwaye sñi waon, onkan tohanl hece miye mitawacin on he ataya on owa- cekiyē wicoran qon hecel waste- walake na heon miyecnka Wa- kantanka wicawala na hece mini- amakaštanpi na hetanhan okola- kiciye taku econpi hena hecel el waškan na anpetu lehanyan škin- ciya waon. Unkan he wanna mi- tawacin mahel marpiya wokicon- ze he iwacu eša hece slolwakiye sñi, onkan koška na wikoška ya- onpi kin hena nitawacinpi ekta Wakantanka tokiconze he icar- yayapi kta iyecetu. Marpiya wo- kiconze kin he wicaša otoiyohila tawacinpi mahel icarayapi tuka hece slolunyanpi sñi, incin atatin sñi icage. Heon wanunyakapi sñi tuka sanpa tanka icar ayin kte. Ho hecetu. Cantewasteya nape ciyuzapi.

FRANK PATTERSON.

Pine Ridge, Police Station, S. D.
Dear Eyanpaha.

Tohinni Eyanpaha el
wayaotanin ciš sñi waon, lehanl
wamiyecilaotanin kta wacin.

Yunkan wowapi wakan el le-
conpi se yake lo Bible History
Sioux Indian language el oyub-
laya 250 kin e. St. Paul Cesarea
el waniyetu nom kaška yanka,
Rome el wicašayatapi kin okiya-
kin kta keya. Wata ohnaicimani
kin econhan Malta wita kin hel

wita wata kin kableca na Paul
wowapetokeca on ni. Ho hece
mitakuyepi, he iyececa se kaška
manka tka econhan ohinni Wa-
kantanka weksuye, icin Paul
wowapetokeca niqun he yecel ni
wakpapti kte lakaš on ko be sñi
mankelo. Icin mitakuyepi, Wa-
kantank wicaunlapikeu eyapi
tka wicaša conala heoncedni ke-
canmi: miš eya Porcupine Dist.
opaya St. Paul's church wan ne
qon hel owapa na eya tanyan wa-
skan sñi naceca tka el ohinni wa-
skan. Icin wowicala bluha yela-
kaš on hecamon welo. Mitaku-
yepi, onšikicilaya najinpiye eha-
pi canna toke owasin hecel un-
qonpi ni ecanmi sa yelo. Toiki
wacekiye unkiyi canna hel ecela
Wakantanka unkiysuyapika ce
lecanmi. na tohanl unklinapapi
canna hecekla wicoiye šice qon
eya sña unklinapapi, tka he mi-
takuyepi, awecakeya te unku-
šnap. Anpetu wakan kin he oju-
la Wakantanka okicipi unškan-
pi slolunkiyapi sñi, canke heon-
cecapi. Mitakuyepi, bliheiciya-
pi na sakyē kin owotanla ekle
wacinpiye, na wicoiye kin anpe-
tu wakan canna itoeyas arpeki-
ton wacinpiye, he St. Mary na
St. Joseph ca mitakuyepi cicapi.
Eya tokerci slolwaye sñi tka inše
anpetu isakowin kin el ohowala
ca heon epe. Iyotans wacekiye
yaklinapapi conna canlwašeya
sña irata nape unkiyuzapi kin
he aotans waste kin e yelo. An-
petuwakan wowasi econ sñi wa-
onspeonkiciyapi kin he nakun
iyehan onkiysuyapi waste, na
owote yamni hena el Wakantan-
ka kiksuye waoncinpi kin he ao-
tans wopila tanka heca.

Tona Eyanpaha iyacupi kin
wocekiye emiyeciayapi wacin: na-
pe ciyzuapi.

FRANK GOOD BUFFALO.

FORT TOTTEN, N. D.

April 1911.

Sinasapa, Father Jerome ma-
zaska on okiyapi.

Evelina Demarce	\$4.00
Charles Mazakahomni	1 00
Mrs. Mary Ida Myrrick	1 00
John Strait and children	5 00
Mrs. Nancy Strait	1 00
Mrs. Josephine Valee	1 00
Mrs. Julia Adams	1 00
Christina Myrrick	1 00
Kate "	50
Julia "	50
Mrs Mary Two-hearts	1 00
Mary Ann Tiwaste	1 00
Bernard Two Hearts	1 20
Luke McKay	5 00
Frank Jetty	2 00
Helen Jetty	1 50
Michael Hunt	2 00
Mrs Harriet Court	5 00
Little Mary Jane Waanatan	1 00
Louisa and Josphine Court	5 00
Church Collection (April 16)	9 50
Henry Langer	1 00
Mary Agnes Miller	1 00
Mary R. Mazakahomni	1 00

Henry Zitkanakoyake	1 00
Mrs "	1 00
Jerome "	1 00
John "	1 00
James "	1 00
Maggie Grant	2 00
Ursula Grant	1 00
Mary Rose Adams	50
Little Ghost	1 00
Mary Jane Adams	50
Thomas Left Bear	1 00
Wife T. " "	1 00
Charles Thompson	50
John Tatankapa	50
John Hociqana	50
Tiyowaste (Little Fish)	50
Wahacankato	50
Ignatius Court	5 00
Joseph Jackson	1 00
James Lohnes	2 50
Angela Lohnes	2 00
Joe Albert	25
Albert Caske	25
Joseph Mazakahomni	25
Wakanwayakapi	25
Joseph Jonnson	10
John Smith	25
Peter Young	10
Gabriel Gourd	1 00
Wahacankawanjina	25
Charles Paul	25
Robert Cavanaugh	25
Max Jettie	25
John Dubois	25
Sungtokca	25
David Dubois	20
Moses Hinansapa	1 00
John Matowanjina	1 00
Jennie Mead	25
Gabriel "	25
Lucy "	1 00
Isidore Ciqa	2 00
Wabduškaša	50
Henry Albert	25
Julia "	25
George "	25
Yuhamaniwin	10
Peter Belgard	1 00
James Matohi	10
Cecilia Tatankapa	50
Edmund "	50
Mazatopawin	50
Henry Abraham	25
George Hunt	50
John Sherman	50
Canpaksa	50
Eugene High Elk	25
Hinhankoyakewin	1 00
Matohakikta	50
Felix Little	50
Peter Black	1 00
Rupert Dunn	20
John Lohnes	25
Oyewakanwin	25
Alex Yankton	25
Mrs. Annie Bigtrack	25
Joseph Bigtrack	25
Paul Bigtrack	25
Annie Washington	2 00
Nancy "	1 00

FT. TOTTEN, N. D.

Mazaska Awanyaka Wanjina.
John Two Hearts \$4.00
Wanna ataya \$571.49

WICATA.

Fort Totten, N. D.

April 27, John. Feb. 7, 1910 en-
tonpi Simon Court qa Harriet
Provencal cincapi.

SUPPLEMENT TO THE 'EYANPAHA.'

MAY 15, 1911.

ALLEN, S. D. April 10, '11.
Eyanpaha.

Kola wašte kin, iapi tona epin kta wacin. Micunksi wanjila unyuhapi na he lila teunrilapi yunkan March 10 1911 anpetu kin ostan unkiciŋapi na heon lila canteunšicapi. Lila wocante šica unyuhapi kin he icunhan wowapi wakan oekle wanji unki-kusuyapi. Wokakije kin hena woyawašte heca, hena ituya wicacupi šni, Wakantanka wašte kin he tuwe waštelaka eca on iyopeya ece, na le wicoiye kin on wacintankapi ecaca.

Wicaša na winyan ota wocekiye kin iyopte šni eyapi ecee na heon ikcaptapi yuke, tukte el wocekiye iyopte kin hel wowicala yunke na heon oyasin cante wašteya onpi ece. Na tukte el wocekiye iyopte šni kin hel wowicala wanice na heon tanyan iyopte šni, na hel wocantešin yukan ecee. Yunkan wocekiye ahiopapi otapi kin he icunhan wocekiye tanyan iyopte šni yunkan tooran qeya lecala ahiopapi qon hena hunr lila woitan akitapi, nahanrci šinasapa wocekiye kin tanyanrci okarnigapi šnihan oitan-can wanji šna cinpi na hunr wowakiyapi (catechist) na tohanl taku cinpi qon wicacupi canna šna heceklala wanna woitan rupahu qon he kluwankal icupi na iye oiyeqi qon hena on wawiyokipi šni yanpi na nakun iye oranpi wanjikji owotanlapi šni eša, ište-capi šni wicaša wakanpi qon hena icaštaiyank wicakuwapi na taku wan ikipipi šni qon hena oyasin ikipipi wicala wicayapi na hehanyan wanna lila škanpi, tipi wakan tonakeca qon hena iyaza škanpi na iyepi ška ičimnanpi šni, na hehanl šna wanna toka oiyeska šni oyanke hiyeye cin ecel wotanin wašte ayapi kta wanjišna kuwapi ecee; na ecel wicaša kin tona wicala wicayapi našna iyayapi na šna tohanl klipi canna hehanl šna oomani wan kagapi qon heon wabapi yuke na heon iklatan omanipi, na šna wana tohanl ipi qon eciyatanhan wananonpi canna šna take econpi hena oyasin woitan eceela on taku econpi kin ataninpi ecee. Na heon wicaša wakan qeya wicaknayanhanpi qon wanna lehanl okihipi šni kin iye wanklakapi canna hehanl šna wicaša wakanpi qon hena el hoyewicayapi kte rcin. Taku šnila eša iyowalya, hececapi na šna na hehanyan wayašil unpi našna šinasapa tan- nila opapi qon hena šna hewicakiyapi ecee. Wicaša tona šinasapa el onpi tka qon hena nama-kiwizipi na taku ecamon kin ya-

šicapi ecee, iye oranpi kin akla-rpe wacinpi on hececapi.

Hena mitakuyepi, hecetu šni, taku tona Wakantanka on ecanonpi kin hena oklak omani šni po; tokeša cante eciyatanhan hena wacantkiyapi kin ecanonpi ehantans, Wakantanka slolkiye na he yacinpi kin na hecanonpi kin taku tona wocekiye on ecanonpi ehantans hena oniwaštepi kte. Wowitan kin he wakanšica tawa nakun iklatanpi kin he na tohanyan oapi qon he isanpa iye ičiyapi kin he nakun wakanšica tawa. Heon etanhan St. Joseph na St. Mary henicapi qon hena yureyab yapo, "hantanpo!" tona wicoran kin lena okna onpi qon hena maka akanl wakanšica taakicitapi ca ihankniyapi kte, sinterla (rattle snake) iyecel šicewicalakapo.

Tona le lawapi hena wocekiye on miksuyapo. Nitakolapi
LOUIS P. MOUSSEAU.

RING THUNDER CAMP, Rosebud, S. D.

Kola okšantanhan nitawoklakepi waštešte naronmayayapi canna šna on sanpa wacintanka mayayapi selececa. Yunkan ito ciscila owaklakin kta.

Hekta congrss onyuhapi unkan July 17 hehan taku yuštampi kin hena yuotaninpi se wacanmi; nakun Bishop unkitawapi he taku yaotanin he owasin naunronpi.

Ho hecetu, na taku epin kte cin na he wanna epin kte. Wicakicaptapi, wacantkiyapi, onsičilapi, onširanpi, waonšilapi; lena on taku epin kte. Okolakiciye wakan ounpapi kin eciyatanhan hekta Wicotakuye tanni el na wicotakuye teca el taku okarnige pica šni eša oyake cin na hena wicacupapi na on etanhan miniaunkaštampi kin he toka yunkan mitakuyepi, okolakiciye wakan oyapapi šni huwo? He el oyapapi kin iniwaštepi kte; na miš ima-wašte kin iyewaye lakaš heon hepe. Yunkan taku wake cina St. Joseph ikluwicake kin he wake. Waonspeiciye omniciye kin unkeyuštampi wašte ke ecanmi on hepe; tohan kin wicoran wašte kin le hanke yuze inaunjinpi kte huwo? Niyepi oniyatepi wicoran kin le inicipipi slolciyapi on hepe, miye lakayeš leon epelo. Iye he maka akanl wicoran kin waštelake na wocekiye opapi kin šicaya wicakuwa yeš ekayeš yuhomni, na ikluhomni na lehanl wocekiye okna najin kin ecan mayakinpi wašte ke mitakuyepi. Yunkan waonspeiciye omniciye yaonpi kin le omniciye canna wicoiye qeya

ehapi sa, iše Eyanpaha el oya-klakapi kin he taku wanjila ici-yungapi wacin. Tokeša ehakela epin kte heon lecerci mikcapte. Otokaheya wicoiye eya iyatayela ewaknake cina hena oyasin obla-kin kta tka ota na heon iyatayela hecel ewaknake.

Maka akanl wowartani unkiyutanpi on he wašake na ee Wakantanka etkiya taku awauncinpi na iše econqonpi kte he ka-tonkeya econqonpi ecee. "Can otoiyohi waskuyeca wašte aicage šni kin he kawankapi na peta el irpeyapi kte."

Miniaw'cakaštampi, wakankiciyuzapi, etc. etc.

St. Joseph ikluwicake tukte unman iyotan he?

Nitakolapi wanji
GEORGE SPOTTED ELK.

ALLEN, S. D. March 1911.
Mitakuyepi.

Ikcewicaša unqonpi kin wocekiye woičiconze na omniciye tawoope wowicila okna unkičiconzapi kin hena take uncinpi na econqonpi huwo? Tokaheya miniaonkiklaštampi na wakan wounklakapi na Yutapi wakan unkičupi, na wakankiciyuzapi na wicayusutapi. Lena iyuha econqonpi; hena wicakeya econqonpi heci waunklakapi wašteke. Kakel on wakanheja wan waniyetu zaptan hetan wayawa iyaye na waniyetu 15 ihunnipi can taku onspewicakiyapi kin onspepi hena iye witkopi, waniyetu conala waonspepi na St. Joseph na St. Mary's untankin-yanpi waniyetu ota wowicala tona tanyerci wicala kta onspe-unkiyapi. Taku tona ohounlapi onspeunkiyapi atanin šni šni, taninyerci hena iyuha wank onkiyapi. Iye šan ataya onkokarnigapi unkonspapi šni, otuyacin woimayunga na inš witan- tanpi on heconqonpi hecinhe hecetu šni. St. Joseph na St. Mary okolakiciye wakan tawoope tona heca kin hena iyuha wicacupapi na econunqonpi, hena wicake šniyan econqonpi awableze. Taku num el wanblaka canna wanna christian heuncapi kta iyehanyan unhipi na onman onkokihipi šni šni on heyapi. Ho lenayos iciwanblaka canna lecanmi. Wicoran wakan šakowin na woope wikcemna lena iyuha wicacupapi keunkeyapi, okna econqonpi kta, unkiconzapi, onkičicupi keš ikluwicaka tuwa eya canna imakipi šni ye, eya onqonpi. Ho tohanl kinhan onkokihipi kta huwo? Tohanl Lakota wowiyutanye kin wanice kinhan onkokihipi kta huwo? Na mini-

wakan wanice kin onkokihipi kta huwo? Ho na toqeyaš majica kinhan makipi kte onkecinpi huwo? Ho lena hecetu. Na hehanl Lakota oyate unqonpi kin wocekiye el onškanpi iši ičicin se el onškanpi. Ho heon taku wicaonlapi na onkičiconzapi qon he. Taku wašte eceela oncinpi na taku šice kin hena oncinpi šni onspeonkičiciyapi wašte; maka akanl onqonpi ecunhan wi ake-nom ehanyan opta okolakiciye kin lena onspeiciya yuha oman-nipi; he ito Biahop kaponyanpi kte Congress onyuhapi canna hekta tohanyan na onspe šni on-yanpi qon hece našna. Bishop ito kape onkipazopi. Hecel mitakuyepi, lehanl wanna utuya christians heoncapi kta onkipipi walake. Hecel taku wakan wicaonlapi wicaonkupi kte. Tuwa ikipi šni keye kin, wowicala owotanla yuha šni kin atanin kte.

Nitakolapi wanji
WM. A. RANDALL.

WHITE RIVER, S. D. March 30, 1911.

Omniciye Tanka Womnaye.
Chas Jones \$10.00
John Clifford 1 pig.
Mary Russell 1 shawl 1 mocasin.
Kate Gibbons 1 quilt, 10 spools thread. Lizzie Jones 10 yds calico 4 pillows. Hattie Clifford 1 pot, 2 plates. Mary Martinez 1 moccasin, 4 cups. Emma Clifford 1 moccasin, 2 spools thread. Julia Martinez 2 sps. thread. Mrs Geo. Clifford 10 yds calico. Maggie Harvey 1 pig, 10 yds " Susie Clifford 10 yds calico. Amanda Russell 1 moccasin. Agnes Gibbons 10 yds calico. Annie Gibbons 1 quilt.

St. Mary's mazaska tona yuhapi nahanrci pazopi šni, tokša ake blaotanin kte. Iyuha cante wašteya nape ciyuzape.

ANNIE GIBBONS.

LOWER BRULE, S. D. Eyanpaha.

Koška wan, Owewakan-kan eciyapi te. Tin kte qel šinašapa wicaša wakan hi na taku cin kin iyuha ecakicon.

Ho yuonihanyan rapi; oyate ataya hi mniciyin, kolapina eya oiyoikišicelo, tka šinasapa ounpapi qon he wana unkablezapi iyecetu. Maka akanl woowotanla kin le yanke lo; Wakantanka lecel eye lakaš. Owakarnige šni tka hecerci awablezelo. Šinasapa wocekiye slolwaye kin hehanyan nawecijin yelo; mitawacin suta weconwelo. Owasin cante wašteya nape ciyuzapi.

HENRY BADHORSE.

HOLY ROSARY, S. D.
Eyanpaha.

Mitakuyepi, Wanikiya lecel eya: Ikluwiyeyapo, marpiya wokiconze wanna kiyela on ce eya. Ho hece eye lakaš maka wicoran on kin maka owancaya iyanke lo. Hece mitakuyepi, Ikcewicaša maka owancaya St. Joseph, okolakiciye yakuwapi kin nahonrci wiconi canku kin tima unkiyayapi šni. Yunkan woape tona wowapi wakan qel unkoki-yakapi wanjirci iyeye wacinrci unkolapi keš iyeunyanpi ehan-tanš okolakiciye wakan kin iwa-šakin kta. Maka akanl wakan-šica kin yutankionyuzapi na omniciye wan iyanke canna el ecela lila tantan wounklakapi tka okolakiciye qel is wašuyeca ica-gin kta waunyušnašna wounkla-kapi. Iho, he, eciyatanhan on mitakuyepi, šinasapa okolakiciye kin nitancanpi kin sutaya wico-ran aye šipo. hececa, kin ničin-capi kin wowaste aicagapi kte. April 1, 1909 šinasapa miniama-štanpi; Feb. 8 hokšila nub, he ostan; winyan mitawa April 24 miniakaštanpi.

Maka akanl okolakiciye kin el lila škinmiciye lo. Manbluška se kšapyahan unqupi kte kin he unkuwapi wašte yelo. Hecel mitakuyepi, icin iye wašicu kin tohanl wicatonpi lila kšapa icagapi kta cin wicakiyapi keš tukte šna oape wanji wiko binklapelo, ta-ku wans wicaša iyohila unyuhapi kte.

Hekta Dec. 21, hehan Christ-mas yuhapi \$33.30 yuotape lo. Wawokiye cola unqonpi eša toke-sa omniciye ataya taku keceyas okiciya naunjinpi.

Tona woawacin lunapi heci hena wowaste on nape ciyuzapi.
JULIUS GOOD VOICE COG.

RING THUNDER CAMP, S. D.
Oiyorpaye omniciye etanhan.

Mitakola Eyanpaha, taku wanjikji laqtanpi kin hena naron iyomakipi. Ho, Wakantanka orlate wowašicongonpi na cante wašteya walitaga, rtaunpi na wanna lehanl, taku uncinpi qon he wanji taninyan unkokihihi na icante mawašte, yunkan Wakantanka etan taku uncinpi kin hena el wacin iwošake šni naunjinpi kin hena wookihi wašte kin unki-cupi kte iyececa, heon wacin-yanpi wowicake kin tinza yuza po, mitakuyepi. Wakantanka taku tona yotanan kin hena able-zapo; wowicake wašte kin heca e cante mahel unknakapi kte rein po. He oknayan ca eyaklepi kin wašte, hecel siha eyaklepi kin taku iwoničopi kte šni, Wakantanka wiconte na wayaco u kte cin hena akiktons iciyapi šni po. Taku maka ekta wanlakapi qon hena lehan šni ece. Ito rta-yanpi owasin on wowaste na wo-cantewašte iyacupi kta na iyon-i-cisicapi on woyuškini iyacupi kta.

Wipe owasin unqunpi kta wa-cinyanpo. Wahacanka kin he unki-cupi wašte, hecel tuwa ta-wabinkpe ile eša he unyusnipi unkokihihi kta; wokiconze kin he ohinniyan unkitokam yanka ce taku wanyagpica šni kin hena sutaya awacinpo; na wookiye canku kin etanhan siha eklakupi šni po, mitakuye. Wakantanka el wowašicon onspemiciye na kitanla se wanjikji oknayan wa-un; yunkan hekta waun qel wico-ran tona hecetu šni ca oknayan waun qon lehanl hena hektakiya awableza can hena on wiconi wa-šte wakušni awakibleza na heon Wakantanka owoju tawa kin el awowašicon. Owoju kin he el tokel ecamon kin tanyan el waun kta heci he awacanmi. Yunkan ni waun qel mitancan el taku tona on waun heci hena owasin on ecamon kin owakihi kta na heon mitakuyepi, tona Wakantanka wowašicon lapi qon he-na suta awacinnipi ni ecanmi, canku našnap kin terika; ohinni kiktahan unpo.

Owasin cantewašteya nape ci-yuzapi. Nitakolapi

HENRY HERAKA-TAMAHCA.

ROSEBUD, S. D.

Picket Pin Camp etanhan 1898 he ehan St. Joseph na St. Mary icagapi na anpetu lehan-yan wiconan tawapi on; he el wa-sakya škanpi, incin taku wakan iyotan kin ee ca wacinyan econpi lakaš taku cinpi na awacinpi kin hena okihi wicaye. Ho yunkan he icunhan wicoie wanji ohinni-yan weksuyesa, Luke 4, 14. Yunkan waonspekiye hena he-hanpi na anpetu ataya ihunniyan ho kuwapi tka takuni ktepi šni; tka tohanyan Wanikiya unki-ta-wapitel wicahina oye kin on taku econ wicaci, kin he ecel econpi kin betanhan taku econpi kin he-na okihi wicaye. Ho yunkan iyo-tan lehanl tiki wakan wanji wa-šte unyuhapi, na wicaša iyuha iyowicakipi rca na el iyaskinyan unqunpi.

April 4, hehan Henry (Lacan-nopewankatuya, kōššawacin-yepica wan, Okleptecela, etan, helel ahiope, Father Westropp, wicoran owasin kiciyustan na he lila icante unwaštepi.

LOWER BRULE, S. D.
April 8, 1911.
Eyanpaha Kola.

April 8 qonhan koška wan Cetankokipapi, šina-sapa miniakaštanpi, Yutapi wa-kan icu na wakankiciyuzare lo. Mary Whirling Iron eciyapi kin he e he winyan itancan yelo. Koška kin he Skaon opa tka, tka le anpetu kin šinasapa el tawicu-ton. Ho tuwa wotanin, iyacupi kin wicoran kin le iyoniciyapi na icante n w stepi kta wacin.

Wanna waniyetu 9 wotanin ope-waton; tka St. Joseph kin tuweni wanjini heca opeyatonpi šni slol-wayelo. Tka kola bliheiciyapiye na heca opetonpiye. Ho hekta qonhan anaptapi, na ake yacinpi na ake iyayelo. Tuwa iyacupi kta hantans taninyan yakajuju-pi kin wašte, kin wayuotanin kin icante wašte kte lo. Miš le wo-tanin kin wowiyukan ota slol-wayelo; Inyanwoslahan etan Ta-tankaojinca hecela nakičijiyelo. Ho hecetu. Cantewašteya nape ciyuzapi.

HENRY TAŠUNKESICA.

Holy Rosary Mission,
PINE RIDGE, S. D.
Eyanpaha.

Maka owancaya wicicage kin tukte ošpaye wanji onpi kin hel maka su wan icaga. Ho yunkan he okihipica šni, Wakantanka icariye lakaš lila taku wašte kin ota ikoyaka tka wanjini kapojula šni nahan iyuha tke na woksape tanka ece ikoyake he Marpiya-tuta ee. Yunkan he maka el to-kel ohiciya cin nahan nakun šnala cin šnitka oyate owancaya owicakih iye ni on kin heon, na-han wiconte taku iyakleya klu-wicake. Ho he ehanni wolakota kin hehan woraki etukte wica-la kte kin iyungapi, yunkan šina-sapa cin. Tuwa hehan hena siolya okihi šni, tka marpiya wo-cajeyate yuha kin heon wicaša wakan cinhintku iye kage kin on qun. Incin he ecela maka akanl Jesus woiwahoye šinasapa wicagu. Heco mitakuyepi, tona lehanl lena wanlakapi kin iyece-l woksape kin yuha bliheiciye wa-cinpo. Iye lena tuwa kage on unkaupe lo. Wakantanka iyotan wasake kin he wicawala onkeya-pi, he Marpiyaluta he heca. Ho yunkan nutkan wan ostan ma-roiya unkeyapi na heca unyawa-pi kte rein. Yunkan taku wico-ran wocakiye yuha šni na nakun tankaku wan hecel na tuktektel onutka su wanjikji itokeca na-jinpi wan awicablezap; can wan-jin tanyan seca keš huntka kin ake ostan he ecayecon ake he eyelo, tokeca šni yelo. Ho mita-kuyepi, St. Joseph na St. Mary maka ohinni onsimalapi wacin on le onaranciciyapi kte. Incin heon unkitancanpi el on kin he-on oyate wamnyanpi Marpiya-luta etantan on tokel he otanin kte kin heon heconpi, yunkan cinca Marpiyaluta ataya akšije na imikcu kte, eyelo. Ho unkiyepi šinasapa womnaye kin he econpi mazaska hena inyan kin kta on cajeyal unkičonzapi. Tka ataya karpe wacin, na šinasapa nagi-yé mayanpi šni po; he mitawa ca tokel ecawecon ktelo. Tka le-tanhan reyab icu okihi šni yelo. Lekji hecel ecuna wiopeyin kta kecanmiyelo, na lekšitamazaska wanab on he ateyapi qu, na \$50, icu ca canksa wan wanyank na-

jin keye na omakiyakelo. Yun-kan lena lecetu kin heon mitaku-pi, ina marpiyaluta kici icage wanjila icagapi, heon onšiya lel waon; heon maka owancaya lel congress yuhapi mazašana iwa-cinci-yapi. Omičih tka icazo in-yan wan hin kta na he hel inajin kta wanlakapi kta iyececa, ohin-niyan ho uciyapelo, nitakuyepi wanji miye. Nape ciyuzapi.

CHARLES BRAVE.

LEAVENWORTH, KANSAS.
Eyanpaha.

Wicoie conala on wau we lo. Eya hokšila kšapa na wo-karniga hemaca kemičiyin kte šni, tka wopila epin kta. Winyan okolakiciye onpi kin wanji waeya ca he lila iyomakipi rca; winyan unpi kin ohinni tokahanpi seca. Christ icipawer okatanpi qonhan-han el wacintankaya najinpi; Je-sus tuktel rapi qon el kinipi an-petu tokaheya hel hipi, nahan okakam wahošiya wakan kin el hipi wawokiye ciupi qon winyan-pi kin ohinni cantewašteyan wa-conpi ece. Ecin Christ sutaya wacinyepi na okolakiciye wakan ecela rce awacinpi kin heon he-cecapi. Eya jamni hece mitaku-yepi. Wicotakuye Teca el win-yan wan warwala na woartani econ šni na lila waayuton šni na waaie šni, na wakankiciyuzapi yujuju kta awacin šni on. Yun-kan Wakantanka he karniga na Jesus inayekiya he, eca Mary eciyapi nahan cansusbeca ihuku-ya wacintankaya najin unkan mitakuyepi, caje luhapi na St. Mary eya caje niyatapi. Hece wanna wowapi wakan el lawapi na nayaronpi ca nišeya Jesus, Messias wowitan gluha marpiya ekta Atkuku etapa eciyatanhan yanke kin ihukuya wacintanka yaunpi kin na anpetu woyasu kin Wakantanka Cinbintku taku ye-niciyapi kta iteka. Hehanl Christ inakab ye cin owasin Mary cin-ca wicaye kta e qupi, wowapi wakan el heya. Hece mitakuyepi nihunpi oran kluha wacannipi kta; tuwa casusbeca akan oka-tanpi na ihukun wacintanka na-jinpi hece he hecel eya. St. Matt. 19-4, 10, el heon taku wakan-tanka yuokowonjila kin he iknu-han tuwe yujuju kinhan eya, unkan kakel unkokarnigapi. Wa-kankiciyuzapi yujujupte kte šni ca ke seca, icin tohanl Wakan-tanka ca yuokonwanjila kta can-na kakel iklasupi kiciyuzapi eci-yatanhan ciyuze kta e ecicu, le-tanhan tokatakiya tawaciye na ciyuha kta, wicowašte na wicoši-se el, wojiwica na wowarpanica el, woyazan na wicozani el, wa-štekilaya na cantekiya, tohanyan wiconte unyukinukan šni kin he-hanyan. etc. etc.

St. Joseph na St. Mary woi-wuškini na wopila mitawa iyuha ciupi.

JOSEPH WOUNDED FOOT, Jr.